



Fondacija tuzlanske zajednice

Vitalni znaci 2015/2016

Konsultacije sa građanima

Razgovor sa članovima mjesnih zajednica na području općine Kalesija



Pozadina

Početak 2016. godine Fondacija tuzlanske zajednice je u okviru istraživanja o kvaliteti življenja "Vitalni znaci 2015/2016" održala niz konsultacija sa građanima fokusiranih na izgradnju bolje zajednice kroz identifikaciju stanja u lokalnoj zajednici i jačanje individualnog osjećaja odgovornosti (pripadnosti) pojedinaca za stanje u lokalnoj zajednici.

Sve fokus grupe u okviru konsultacija počele su kratkim prezentacijama istraživanja i tema za diskusiju, nakon čega su građani ocijenili svaku oblast istraživanja o kvaliteti življenja, te kroz rad u malim grupama, prezentaciju i diskusiju iznosili svoje mišljenje. Dobiveni rezultati razgovora sa građanima pomogli su Fondaciji da ispita subjektivni osjećaj kvaliteta življenja i zajedno sa građanima identifikuje prilike za djelovanje unutar lokalne zajednice.

Konsultacije sa građanima su u periodu mart - april, održane u saradnji sa članicama Mreže aktivnih zajednica i predstavnicima mjesnih zajednica pri čemu su dvije fokus grupe održane ciljano sa ranjivim kategorijama u društvu, sa ženama i mladima.

Forma diskusije

Diskusije sa građanima fasilitirane su od strane FTZ tima koji je vodio učesnike kroz tri pitanja, osiguravajući prostor za učešće za diskusiju i doprinos svih učesnika. Tri pitanja na kojima se fokusirala diskusija su :

1. Kada razmišljate o vašoj zajednici, kako izgleda zdrava, vitalna zajednica?
2. Šta je dobro u vašoj zajednici? Šta funkcioniše?
3. Šta se može popraviti u vašoj zajednici?

Ocijeni vitalnost svoje zajednice!

Diskusije sa građanima fasilitirane su od strane FTZ tima koji je vodio učesnike kroz 12 oblasti istraživanja. Građanima su ukratko objašnjene oblasti istraživanja o kvaliteti življenja, te za svaku oblast su im predstavljeni dijelovi preliminarnih rezultata koje smo dobili statističkom analizom i koji se odnose na područje Tuzlanskog kantona. Kratkim opisom konteksta za svaku pojedinačnu oblast će pomoći u razmišljanju i davanju ocjene stanja za svaku navedenu oblast.

Naime, u okviru istraživanja tokom aprila 2016. godine, građani TK su imali priliku dati svoju subjektivnu ocjenu stanja u zajednici putem upitnika koji je bio istaknut na internet portalima u gradovima na području TK.

Upitnik je tražio od građana da uzmu u razmatranje i dobre i loše pokazatelje unutar svake oblasti i da daju generalnu ocjenu stanja u svojoj zajednici. Za svaku oblast u upitniku je ponuđeno nekoliko osnovnih, preliminarnih podataka koji govore ponešto o stanju u navedenim oblastima.

Učesnicima diskusije podijeljene su kartice sa označenim vrijednostima iz upitnika, a nakon što je prezentovana svaka pojedinačna oblast, dizanjem iste učesnici su ocjenjivali vitalnost svoje zajednice.

Tokom diskusije o oblastima istraživanja učesnici su imali priliku dati generalnu ocjenu stanja u svojoj zajednici.



Datum: 30. mart 2016.

Oblasti za diskusiju: Mogućnosti za početak, te Pripadnost i vodstvo

U saradnji sa: Mreža aktivnih zajednica i općina Kalesije

Lokacija: Općina Kalesija (sala općinskog vijeća)

Broj učesnika: 19

Sažetak diskusije:

Zbog značaja ovih tema i interesa koji za njih vlada u zajednici, diskusija je urađena sa zajednicama općine Kalesija koje su članice Mreže aktivnih zajednica, kao i sa zajednicama koje nisu u Mreži aktivnih zajednica, što je omogućilo raznolikost prisustva predstavnika iz 18 različitih mjesnih zajednica (G. Vukovije, Bulatovci, G. Rainci, Kikači, Zukući, Jajići, Brda, Zates, Sarači-Lipovice, Miljanovci, Hrasno, Dubnica, G. Kalesija, Prnjavor, D. Rainci, Tojšići, D. Vukovije i Gojčin).

S obzirom da su učesnici predstavljali različite tipove lokalnih zajednica koje se suočavaju sa različitim potrebama i izazovima u izgradnji bolje zajednice, tokom diskusije istaknute su određene razlike u trenutnom stanju i težištima za napredak. Nakon što je predstavnicima mjesnih zajednica predstavljena svaka od oblasti istraživanja, ocijenili su svaku oblast po subjektivnom nahođenju, te se na njihovu inicijativu detaljnije raspravljalo o dvije oblasti istraživanja. Učesnici, nakon što su ocijenili vitalnost svoje zajednice odabrali su dvije oblasti od koje jedna zahtijeva društvenu reakciju.

Većina učesnika se složila da je stanje u oblasti "Mogućnosti za početak" zabrinjavajuća, te da situacija zahtijeva ozbiljnu društvenu reakciju. Za oblast "Pripadnost i vodstvo" su konstatovali da je stanje zadovoljavajuće, ali je potrebno uložiti napor da se situacija održi ili poboljša.

Predstavnici mjesnih zajednica su se izjasnili da je "zdrava", "vitalna" zajednica mjesto u kojem je razvijena infrastruktura, kultura i ekonomija, te da svi imaju jednaka prava bez obzira na pripadnost (političku, vjersku ili nacionalnu). Također, socijalna primanja treba da budu na nivou potreba građana, te da treba postojati adekvatno socijalno zbrinjavanje osoba sa invaliditetom i drugih kategorija. Trebali bi imati otvorene mogućnosti za zaposlenje nakon završenog obrazovanja, te usklađeno obrazovanje sa potrebama tržišta. Poštivanje zakonitosti i ojačan značaj MZ-ova je izgled "zdrave" "vitalne" "zajednice. Ono što bi se trebalo poboljšati u zajednici je ekologija i zaštita okoline, iskoristiti poljoprivredni potencijal, poduzetništvo i odnos lokalnih vlasti sa mjesnim zajednicama.

S druge strane tokom diskusije građani su se usaglasili da je stanje u oblasti "Pripadnost i vodstvo" zadovoljavajuće, te je potrebno uložiti napor da se situacija održi ili poboljša. Kada govorimo o ovoj oblasti građani su se izjasnili da "zdrava", "vitalna" zajednica treba da ima 90% izlaznost građana na izbore i 50% žena uključenih u odlučivanje. Političari bi trebali biti poštjeni i odgovorni prema građanima bez korupcije i mita.

Građani Kalesije iz svih lokalnih zajednica su se složili da treba poboljšati izborne zakone, te imati veću uključenost omladine u izborima. Građani bi u svakom smislu trebali da se više uključuju u inicijative, volonterizam, odlučivanje i sl. Poboljšati podršku za mladu populaciju, podržati privatne inicijative za biznis, odnosno opšte dobro, te građani ove zajednice smatraju da je potrebna veća uključenost, odnosno zastupljenost predstavnika MZ-ova u Općinskom vijeću.

Ono što dobro funkcioniše u Kalesiji je to da se ljudi samoorganiziraju, KUD-ovi, sportska društva i vjerske zajednice dobro funkcionišu. Također su naglasili da je općina Kalesija zajednica koja nije finansijski zadužena.



Mogućnosti za početak

Građani su rekli

Kako izgleda „zdrava“, „vitalna“ zajednica?

- “Mjesto gdje je razvijena infrastruktura, kultura i ekonomija”
- “Prava za sve bez obzira na pripadnost (političku, vjersku, nacionalnu)”
- “Socijalna primanja na nivou potreba”
- “Adekvatno socijalno zbrinjavanje osoba sa invaliditetom i drugih kategorija”
- “Mogućnosti zapošljavanja (ljudi nemaju posao nakon završene škole)”
- “Finansijska podrška mladima za osnivanje porodice i oslobađanje taksi (poreza)”
- “Usklađeno obrazovanje s potrebama tržišta”
- “Transparentnost pri zapošljavanju (Biroa za zapošljavanje treba da zapošljava, ne samo da evidentira nezaposlene)”
- “Ojačan značaj MZ-ova”
- “Poštivanje zakonitosti”

Šta dobro funkcioniše u vašoj zajednici?

- “Povezanost lokalnih puteva – većina asfaltirana”
- “Prirodno bogatstvo”
- “Vode dobre”
- “Povezanost ljudi u zajednici”
- “Pružanje zdravstvenih usluga”
- “Usluge vatrogasnog društva”



Pripadnost i vodstvo

Građani su rekli

Kako izgleda „zdrava“, „vitalna“ zajednica?


- “90% izlaznost na izbore”
- “50% žena u odlučivanju”
- “Političari poštene i odgovorni prema građanima bez korupcije i mita”

Šta dobro funkcioniše u vašoj zajednici?


- “Ljudi se samoorganizuju”
- “KUD-ovi dobro funkcionišu”
- “Dobro funkcioniše sportska kultura”
- “Vjerski život dobro funkcioniše/Islamska zajednica”
- “Općina nije zadužena”

Šta se može poboljšati u zajednici?


- “Izborne zakone poboljšati”
- “Uključenost omladine u izborima”
- “Veća uključenost građana”
- “Poboljšati podršku mladima”
- “Podržati privatnu inicijativu za biznis odnosno opšte dobro”
- “Pojednostaviti procedure pri registraciji preduzeća”
- “Potrebni zastupnici MZ-ova u Općinskom vijeću”



Mogućnosti za početak



Pripadnost i vodstvo





Vitalni znaci-ocjena vitalnosti

Kalesija

	1 - Loše, potrebno je odmah reagovati	2 - Zadovoljavajuće, potrebno je održati ili poboljšati stanje	3 - Odlično, možemo biti uzor drugima.
Zdravlje i rekreacija		1,55	
Stanovanje		1,98	
Jaz između bogatih i siromašnih	1,45		
Obrazovanje i perspektive za cjeloživotno učenje		1,57	
Osjećaj sigurnosti		1,64	
Mogućnosti za početak		1,50	
Kultura i umjetnost		1,74	
Životna sredina		1,50	
Rad i zapošljavanje	1,17		
Pripadnost i vodstvo		1,71	
mobilnost		2,07	
Ekonomija i poduzetništvo		1,71	

1 - Loše, potrebno je odmah reagovati (Do 1,5)

2 - Zadovoljavajuće, potrebno je održati ili poboljšati stanje (1,5 - 2,5)

3 - Odlično, možemo biti uzor drugima. (Preko 2,5)